



Služba za društvene djelatnosti i upravu

Broj: 03-31-2843-1/26
Lukavac, 18.09.2026. godine

Na osnovu Statuta Grada Lukavac („Službeni glasnik Grada Lukavac“ broj: 14/25), Budžeta Grada Lukavac za 2026. godinu („Službeni glasnik Grada Lukavac“, broj: 15/25, 5/26, 8/26), člana 22. Odluke o izvršenju budžeta Grada Lukavac za 2026. godinu („Službeni glasnik Grada Lukavac“, broj: 15/25), Programa utroška sredstava transfera Službe za društvene djelatnosti i upravu Grada Lukavac za 2026. godinu („Službeni glasnik Grada Lukavac“ broj 1/26, 6a/26, 9/26), i Odluke o posebnim kriterijima za subvencioniranje mjesečnih karata učenicima iz porodica slabijeg socio-ekonomskog statusa broj 02-31-2843/26 od 16.09.2026.godine, Služba za društvene djelatnosti i upravu objavljuje

**JAVNI POZIV
za subvencioniranje mjesečnih karata učenicima
iz porodica slabijeg socio-ekonomskog statusa**

I

Objavljuje se Javni poziv za subvencioniranje mjesečnih karata učenicima iz porodica slabijeg socio-ekonomskog statusa sa područja grada Lukavac za budžetsku 2026. godinu i to za period 01.septembar 2026. godine – 31.decembar 2026. godine u iznosu od 7.143,00 KM (sedamhiljadstočetrestetri KM i 00/100 pfeninga).

II

- (1) Primarno pravo na subvencioniranje troškova mjesečnih karata imaju učenici čiji članovi domaćinstva nemaju prihode.
- (2) Ukupan prihod domaćinstva čine prihodi koje članovi domaćinstva ostvaruju na temelju:
 1. plaća i drugih primanja iz radnog odnosa;
 2. starosne, invalidske i obiteljske penzije;
 3. poljoprivredne djelatnosti. Prihodom od poljoprivrednih djelatnosti, smatra se katastarski prihod iz prethodne godine koji se dijeli sa 12 mjeseci i s brojem članova domaćinstva.
 4. primanja po propisima o boračko-invalidskoj zaštiti i zaštiti civilnih žrtava rata;
 5. prihodi ostvareni na temelju imovinskog prava. Prihodom ostvarenim po temelju imovinskog prava, smatra se prihod ostvaren prodajom imovine ili davanjem u zakup ili najam.
 6. Dopunskog rada;
 7. Materijalna naknada za vrijeme nezaposlenosti;
 8. Naknada po osnovu alimentacije.
- (3) Prihodom u smislu stava 2. ove tačke ne smatra se lična invalidnina, novčana naknada za pomoć i njegu od strane drugog lica, ortopedski dodatak, stalna novčana pomoć, dodatak na djecu i stipendije učenika i studenata.

Strana 1 od 3

III

Da bi ostvarili pravo na subvencioniranje troškova mjesečnih karata učenici su, uz Prijavu na javni poziv za subvencioniranje, dužni priložiti slijedeću dokumentaciju:

OPĆI UVJETI

1. Uvjerjenje od škole da je redovan učenik;
2. Kućnu listu;
3. Ovjerenu izjavu da učenik nije ostvario pravo na subvenciju mjesečne karte iz drugih izvora (Izjava 1),
4. Dokaz o mjestu prebivališta (CIPS ne stariji od 6 mjeseci);
5. Uvjerjenje od JU Službe za zapošljavanje TK – Biro Lukavac za oba roditelja , a ako su oba roditelja nezaposlena i nisu prijavljeni kod JU Službe za zapošljavanje TK Tuzla – Biro Lukavac, Uvjerjenje od Biroa da se ne nalaze na evidenciji i ovjerenu Izjavu da su nazaposleni ili dokaz za roditelja ili učenika da je korisnik stalne socijalne pomoći,
6. Za učenike čiji ukućani imaju prihode, dokaz da prihodi po članu domaćinstva ne prelaze iznos od 40% minimalne plate u Federaciji
7. Ovjerena Izjava da članovi domaćinstva nemaju prihode iz stava 2. tačke II (Izjava 2)
8. Kopiju mjesečne karte uz priložen račun ili uvjerenje o visini mjesečne karte
9. Potvrdu banke o otvorenom tekućem računu.
10. Ovjerena Izjava o korištenju ličnih podataka

IV

- (1) Ukoliko ukupan iznos mjesečnih karata učenika koji ispunjavaju opće uvjete, ne bude veći od iznosa raspoloživih sredstava planiranih u Budžetu Grada Lukavac za Javni poziv, učenici koji ispune opće uvjete iz tačke II Javnog poziva ostvarit će pravo na subvencioniranje mjesečne karte u punom iznosu bez bodovanja.
- (2) Ukoliko ukupan iznos mjesečnih karata učenika koji ispunjavaju opće uvjete, bude veći od iznosa raspoloživih sredstava planiranih u Budžetu Grada Lukavac za Javni poziv, Komisija će u istom procentu smanjiti iznose finansijskih sredstava mjesečnih karata koji se dodjeljuju svim korisnicima subvencije koji ispunjavaju opće uvjete iz tačke II, tako da ukupan iznos dodijeljenih sredstava ne prelazi iznos planiranih sredstava u Budžetu Grada Lukavac za tekuću godinu.
- (3) U slučaju da broj učenika koji ispunjavaju uvjete javnog poziva, čiji ukućani nemaju prihode, bude manji od raspoloživih sredstava, odnosno ostane višak budžetskih sredstava po javnom pozivu, ista se mogu dodijeliti za subvencioniranje mjesečnih karata učenicima čiji ukućani imaju prihode, ali čiji prihodi po članu domaćinstva ne prelaze iznos od 40% minimalne plate u Federaciji utvrđene u skladu sa odredbama Zakona o radu.
- (4) Prioritetno će se subvencije dodijeliti učenicima čiji članovi domaćinstva nemaju prihode, nakon čega će se, ukoliko ostane višak budžetskih sredstava, primijeniti odredbe stava 2 ove tačke, na učenike čiji članovi domaćinstva imaju prihode koji ne prelaze iznos od 40% minimalne plate u Federaciji po članu domaćinstva.

V

Ovaj Javni poziv će biti objavljen na web stranici Grada Lukavac i na Oglasnoj ploči Grada Lukavac (šalter sala Gradske uprave), i biti će otvoren 15 dana od dana objavljivanja.

VI

- (1) Gradonačelnik će posebnim rješenjem imenovati Komisiju za provođenje postupka po javnom pozivu za subvencioniranje mjesečnih karata učenicima iz porodica slabijeg socio-ekonomskog statusa.
- (2) Komisija za dodjelu stipendija razmatra pristigle prijave na javni poziv, sačinjava zapisnik o radu, vrši bodovanje i utvrđuje privremenu rang listu kandidata koji ispunjavaju uslove propisane javnim pozivom.
- (3) Privremena rang lista kandidata za dodjelu stipendija objavljuje se na oglasnoj ploči i web stranici Grada Lukavac.
- (4) Na Privremenu rang listu kandidata može se izjaviti prigovor drugostepenoj komisiji Gradonačelnika u roku od 5 (pet) dana od dana objavljivanja iste.
- (5) Odluku po prigovoru drugostepena Komisija donosi u roku od 7 (sedam) dana. Odluka drugostepene Komisije po prigovoru je konačna.
- (6) Nakon rješavanja prigovora Služba za društvene djelatnosti i upravu utvrđuje Konačnu rang listu kandidata, koja se objavljuje na oglasnoj ploči i web stranici Grada Lukavac.
- (7) Ukoliko svi prijavljeni kandidati ispunjavaju uslove, odnosno nema odbijenih kandidata, odmah se utvrđuje konačna rang lista.
- (8) Isplata finansijskih sredstava predviđenih Budžetom Grada Lukavac, vršit će se na osnovu Odluke koju donosi Služba za društvene djelatnosti i upravu nakon sprovedene procedure javnog poziva.

VII

Prijave na Javni poziv sa potrebnom dokumentacijom slati na adresu :

Grad Lukavac-Gradonačelnik
„Komisija za provođenje postupka po javnom pozivu za
subvencioniranje mjesečnih karti
učenicima iz porodica slabijeg socio-ekonomskog statusa“
Trg slobode br.1., 75 300 Lukavac

ili lično u šalter Sali Grada Lukavac svakim radnim danom od 07:00-15:30 sati.

Saglasan Gradonačelnik:
dr. sc. Edin Delić

Pomoćnik Gradonačelnika
Mirela Bubić, dipl. Pravnik

Dostaviti:

1. Služba za društvene djelatnosti i upravu 2x,
2. Evidencija,
3. Oglasna ploča 2x,
4. a/a